

## **Clypeus Theologiæ Thomisticæ**

In Tres Partes Divisus, Et Quinque Volvminibvs Comprehensvs

[Tractatus de attributis, de visione beatifica, de scientia Dei ac de ejus voluntate et providentia]

**Gonet, Jean-Baptiste**

**Coloniæ Agrippinæ, 1671**

Art. VI. An Theologia sit habitus, non solùm extrinsecè & objectivè, sed etiam intrinsecè & entitativè supernaturalis?

---

[urn:nbn:de:hbz:466:1-77132](#)

ab eo excludat motus anxietatis & dubitatio-  
nis: quod non habet locum in nostra Theologia,  
ob defectum claritatis, & evidentiæ, quæ caret in  
hoc statu viæ. Unde in patria, in qua erit con-  
juncta cum scientia beata, cui subalternatur, &  
ratione hujus conjunctionis, habebit non solum  
certitudinem, sed etiam evidentiam suorum  
principiorum, erit certior omni cognitione na-  
turali, non solum secundum se, sed etiam quo-  
ad nos.

## ARTICULUS VI.

*An Theologia sit habitus, non solum extrinse-  
cè & objectivè, sed etiam intrinsecè &  
entitativè supernaturalis?*

## §. I.

*Premittenda ad resolutionem questionis?*

¶ **N**otandum primò: scientiam esse quen-  
dam habitum per demonstrationem ac-  
quisitum, seu quandam qualitatem, in intellectu  
recedente, & permanente, quæ inclinatur ad  
rectè, faciliter, constanter, & delectabiliter di-  
scurrendum circa aliquod objectum, & cui de-  
seruant species intelligibiles, diversa objecta  
repräsentantes: unde cùm Theologia sit scien-  
tia, est habitus quidam, per demonstrationem  
Theologicam acquisitus, quò intellectus incli-  
natur ad rectè, suaviter, ac delectabiliter discur-  
rendum de Deo, & rebus divinis, & ad deduc-  
endas conclusiones certas & infallibilis, ex  
principiis revelatis, & fide divinâ creditis. Quæ-  
rimus ergo, an talis habitus sit intrinsecè & enti-  
tativè supernaturalis, aut extrinsecè tantum &  
objectivè, sive, ut alii loquuntur, radicaliter &  
præsuppositivè? Pro cuius resolutione.

Notandum secundò: de supernaturalitate a-  
licuius effectus, non est judicandum ex causa  
remota & mediata, sed ex proxima & immediata:  
unde si ista sit purè naturalis, effectus etiam  
erit in entitate naturalis, nec excedet ordinem &  
limites naturæ. Ratio est, quia virtus cause remo-  
ta & radicalis, modificatur, determinatur,  
& velut deprimitur per influxum & operatio-  
nem proximæ & immediatæ: ut constat in influ-  
xu solis, & aliorum corporum cœlestium, qui  
modificatur & determinatur à causis proximis  
& inferioribus. Ethoc præcipue habet locum  
in scientia, in quibus, ut communiter dicitur,  
conclusio sequitur debiliorem partem, & magis  
sapit naturam & conditiones principiū proximi-  
mi, quam remoti. [Unde videmus ex assensu  
primorum principiorum, & alia præmissa, non  
generari habitum primorum principiorum, sed  
alium inferioris ordinis, nempe scientiam, vel  
opinionem; & licet Major sit scientifica, si ta-  
men Minor sit opinativa, non causatur scientia,  
sed opinio.]

Notandum tertio: principia Theologiae (sci-  
licet articulos fidei, ex quibus conclusiones  
Theologicae deducuntur) duobus modis posse  
considerari: primò quatenus sunt in se absolute  
vera, & prout dicunt ordinem ad primam veri-  
tatem revealantem; secundò quatenus dicunt ordi-  
nem ad conclusiones, quæ ex illis inferri pos-  
sunt, mediante cursu; & quatenus eas virtua-  
liter continent, vel in illis virtualiter continen-  
tur. Primo modo talia principia sunt formaliter

A revelata, & pertinent ad habitum fidei. Secundò  
modò spestant ad Theogiam, inferentem  
conclusiones ex illis principiis, vel conclusiones  
jam deductas in illa resolventem, nec sunt for-  
maliter, sed virtualiter tantum revelata, aut re-  
velantia ipsas conclusiones.

## §. II.

*Resolutio difficultatis propositæ.*

**D**ico igitur: licer habitus Theogiae, sit ex-  
trinsecè & objectivè; vel radicaliter & ori-  
ginativè supernaturalis, quia versatur circa ob-  
jectum supernaturale, & dependet ab habitu fi-  
dei, in quo tanquam in semine, vel radice conti-  
netur; intrinsecè tamen & secundum suam enti-  
tatem, naturalis est. Ita communiter sentiunt  
nostrí Thomistæ, Navarretta, Joannes à S. Tho-  
ma, Philippus à S. Trinitate, & alii qui de hac  
materia scripserunt: quamvis aliqui recentiores,  
in manuscriptis oppositum doceant, & existimant Theogiam esse habitum entitativè su-  
pernaturalis.

Probatur primò conclusio ratione quæ com-  
muniter utuntur nostri Thomistæ. Nullus habi-  
tus entitativè & intrinsecè supernaturalis, a cí-  
bus nostris acquiritur: Sed Theogia acquiri-  
tur nostris actibus: Ergo non est habitus entita-  
tivè & intrinsecè supernaturalis. Minor expre-  
sione docetur à D. Thoma, tum in Prologo sent.

quæst. unicā art. 3. quæstiunc. 3. ubi hoc scribit:

*Sicut habitus primorum principiorum habetur à na-  
tura, sed acquiritur habitus conclusionum ex primis  
principiis deductiarum: ita etiam in hac doctrina, non  
acquiritur habitus fidei, qui est quasi habitus principio-  
rum, sed acquiritur habitus eorum quæ ex eis deducun-  
tur. Tum etiam hic art. 6. ad 3. & 2.1. quæst. 5. 4.  
art. 1. ad 2. ubi adducens discrimen inter sapientiam,*

*quæ est donum Spiritus Sancti, & nostram  
Theogiam, assertit illud in eo confitere, quod  
illa habetur per infusionem, ista vero per studium  
humanum acquiritur. Sapientia (inquit)*

*qua ponitur donum Spiritus Sancti, differt ab ea que  
ponitur virtus intellectualis acquisita: nam, HÆC  
ACQUIRITUR STUDIO HUMANO,*

*illa autem est defusum descendens, ut dicitur Iacob. 3.*

*Id etiam exp̄it: constat, cùm modus con-  
naturalis acquirend⁹ habitum Theogiae, non  
sit eum expectare ab infusione Spiritus Sancti,*

*sicut expectari debeat prophetia, gratia mira-  
culorum, & alia gratia gratis datae, quæ non o-  
mnibus habēlibus conceduntur: unde videmus*

*eos solum qui vacant speculationibus, lectioni-  
bus librorum, & aliis litterarum exercitiis, talis  
habitum acquirere, non vero eos qui oratio  
indulgent, & huiusmodi studia & exercitia ne-  
gligunt.*

*Major vero, in qua videtur confi-  
stare difficultas, suaderi potest, tum quia omne  
ens supernaturale per se petit causas supernatu-  
rales, & excedentes nostram acquisitionem;*

*tum etiam, quia nullus est assignabilis alius ha-  
bitus supernaturalis, qui per nostros actus ac-  
quiratur.*

*Nec valer si dicas, nostram Theogiam, ei si  
sit entitativè supernaturalis, posset tamē a cíbus  
nostris acquiri, non vero alios habitus super-  
naturalis, quia illa supponit fidem, à qua potest  
causari tanquam ab habitu primorum principio-  
rum. Non valer, inquam, si enim ex hoc quod  
Theogia p̄supponat fidem, posset inferri  
quod ipsa est entitativè supernaturalis, tamen  
actibus*

actibus nostris acquiri possit, eadem ratione posset dici, omnes virtutes morales, per se infulas, esse actibus nostris acquisibiles; illa enim presupponunt charitatem, per quam voluntas adhaeret fini ultimo, qui se habet in operabilibus, respectu electionis mediorum, sicut prima principia in speculabilibus, respectu conclusio-

nū: sicut enim intellectus per assensum principiorum completer ad assentium conclusionum; ita & voluntas per intentionem ultimi finis, cui per charitatem conjungitur, redditur potens ad electionem mediorum, ad quam virtutes morales per se infulas ordinantur. Ex eadem etiam responsione sequeretur quod prudentia infula est in actibus nostris acquisibiles, cum illa pariter supponat fidem, in qua virtualiter & tanquam in lemne continetur; & quod omnes scientiae deberent dici in natura, quia continentur virtutis in habitu primorum principiorum, qui a natura nobis inditus est.

62. Hui ratione, quae fundamentalis est, respondentia, negando minorem primi syllogismi: quamvis enim (inquit) Theologia nostra exigat necessariū ad sui productionem, aactus naturalis discursus, hoc tamen non impedit, quin sit supernaturalis & infula, quia scilicet ille discursus naturalis, non requiritur tanquam causa productiva Theologiae, sed solum tanquam conditio, sive dispositio ex parte subjecti, conaturaliter requisita ad infusionem illius habitus, quod non impedit, quin ille sit supernaturalis; sicut non definit charitas esse supernaturalis, quamvis ad ejus infusionem plures auctus voluntatis, per modū dispositionis prærequirātur.

63. Sed contra primū hæc solutio aperte contradicit doctrinæ D. Thomæ, assertis locis supra adductis, habitum Theologiae non infundi, sed studiō humānō acquiri.

Secundò, eodem modo requiruntur auctus nostri ad acquisitionem Theologiae, quo exiguntur ad acquisitionem aliarum scientiarum: Sed ad acquisitionem aliarum scientiarum requiruntur per modū causæ, non vero per modū conditionis, aut dispositionis: Ergo & ad acquisitionem Theologiae. Minor docetur communiter à Philosophis, & pater ex definitione scientie, que definitur, habitus per demonstrationem acquisitus; in tali enim definitione, demonstratio quo ex actibus nostris componitur, ponitur sine dubio tanquam vera causa scientie, & non solum tanquam conditio; ridicula enim esset definitio, qua tradetur per conditionem ad aliquid prærequisitum, & causam per se illius omitteret. Major etiam non videtur minus certa, tum quia Theologia univocè convenit in ratione scientie cum aliis, ac proinde eodem modo quo alia definiri debent, habitus per demonstrationem, subindeque per auctus nostros, acquisitus: tum etiam, quia nulla videtur assignabilis ratio, cur demonstratio sit propriæ causa aliarum scientiarum, & solum conditio respectu Theologiae, cum non minus requiratur ad acquisitionem Theologiae, quam aliarum scientiarum.

Tertiò, cùm studiū & discursus humani intellectus, sit aactus pure naturalis, non potest habere rationem dispositionis ad habitum Theologiae, si ille sit entitatice supernaturalis, & a Deo infusus: Ergo prædicta solutio repugnantia & contradictione involvit. Consequens patet, Antecedens probatur. Dispositio & forma ad quam disponit, debent esse intra eundem ordinem, ex

Tom. I.

A quo inferunt Theologi in tractatu de gratia, hominem ex facultate natura, & viribus liberi arbitrii, non posse se disponere ad primam gratiam: Ergo si Theologia sit habitus supernaturalis, & a Deo infusus, repugnat quod auctus pure naturales nostri intellectus, ad ejus receptionem vel infusionem disponant.

64

Confirmatur & magis illustratur hæc ratio. Si discursus & ratiocinatio nostra esset dispositio ultima & immedia ad infusionē Theologiae, vel esset dispositio requisita ex aliquo pacto & promissione Dei, vel exigetur ex natura rei, ita quod ea posita impossibile esset, saltē de via ordinaria, quod nō infunderetur talis habitus, sicut positis actibus contritionis, impossibile est non infundi gratiam: Neutrū dici potest: Ergo &c. Minor quod primā partem videtur omnino certa, tū quia nullibi reperitur hujusmodi pactum aut promissio facta a Deo: tum etiā quia ille qui hujusmodi auctus discursus exercet, est sāpē maximus peccator: dicere autē quod Deus, quotiescumq; peccator voluerit exercere auctus naturalis discursus, teneat ut statim ipsi infundere habitū entitatice supernaturale, videtur omnino absurdum. Probatur vero quoad secundam partem, ratione jam insinuata. Immedia & ultima dispositio, ad alicujus formæ receptionē ex natura rei requisita, & cū talis forma necessariā habens connexionē (qualē habent auctus discursus cum Theologia) debet esse ejusdem ordinis cum illa: sed si Theologia sit entitatice supernaturalis, hujusmodi auctus discursus, ut pote entitatice naturales, non erunt ejusdem ordinis. Cū tali habitu: Ergo nō poterunt esse ultimæ dispositio-nes, ex natura rei requisita ad ejus infusionem.

65

Probatur secundo conclusio alia ratione quā notabili secundō insinuavimus. De naturalitate vel supernaturate alicujus rei, judicandum non est ex causa remota & radicali, sed ex proxima & immedia: Atqui habitus Theologiae procedit immedia & proximè, à potentia naturali, in quantumum naturali: Ergo entitatice naturalis est. Major patet in auctibus fidei & charitatis, qui sunt entitatice supernaturales, quia licet procedat radicaliter & remotè ab intellectu & voluntate, quæ potentia sunt naturales, tamen causa eorum proxima & immedia, nimirum habitus fidei, vel charitatis, est entitatice supernaturalis; & in naturalibus videmus quod influxus causæ remotæ & radicalis, modif.atur & determinatur per influxum & operationem causæ proximæ & immediae, ut constat in influxu Solis, & aliorum corporum cœlestium, respectu effectum sublunarium, qui in natura & specie semper convenienter cum causis particularibus. Minor vero suaderet: ille habitus procedit immedia & proximè à potentia naturali, ut naturalis est, qui tantò majorem habet perfectionem, quantò potentia illa naturalis habet maiorem & perfectior. In virtutem naturalem: Sed habitus Theologiae, & auctus per quos acquiritur, tantò sunt perfectiores, quanto intellectus habet majorem & perfectiorem virtutem naturalem; patet enim quod illi qui habent intellectum acutorem, melius ac plures percipiunt veritates Theologicas, quam illi qui minus subtile ingenium sortiti sunt; & quamvis ad Theogiam prærequiratur habitus fidei, ex majori tamen vel perfectiori habitu fidei, non colligitur major perfectio habitus Theologiae, cùm plures mulierculæ sapientissime in habitu fi-

C 2

dei

dei excedant præstantissimos Theologos.  
**66** Ex his intelliges, quod ut aliquis habitus vel actus, sit entitativè supernaturalis, oportet necessariò quod à causa totali supernaturali immediatè attingatur, ita ut potentia naturalis nō concurrat ad illum immediate per seipsum, sed mediante virtute supernaturali, quæ sit tota vis agendi proxima. Ex quo inferunt nostri Thomistæ in Tractatu de visione beatifica, duos intellectus inæquales in perfectione naturali, cum æquali lumine gloria, equaliter videre Divinam Essentiam, & intellectum naturaliter imperficiorem, qualis est intellectus humanus, respectu Angelici, si unico graduluminis gloria excedat Angelicum, perfectius videre Deum, quam Angelicum: cum ergo id non reperiatur respectu Theologiae, sed totum oppositum, & inter fideles, non illi qui majori fide prædicti sunt, sed qui acutiori & præstantiori polleant genio melius percipiunt veritates Theologicas, & plures conclusiones videant in principiis revelatis, manifestum est, fidem non influere in Theologia, per modum causæ proximæ & immediate, sed solum per modum causæ radicalis, & remota, subindeq; illam non esse entitativè supernaturalē, sicut est fides, sed naturalis, sicut vis discurrendi & ratiocinandi intellectus humani.

**67** Tertiò suaderi potest conclusio: scientia non defumunt suam specificationem à ratione formalique, nisi prout substanti rationi sub qua, unde si ratio sub qua alicujus scientiae, sit naturalis, illa supernaturalis entitativè esse nequit: Sed ratio sub qua Theologia, est entitativè naturalis: Ergo & ipsa Theologia. Major patet, Minor probatur. Ratio sub qua Theologia, illam distinguens à fide, & scientiis purè naturalibus, est revelatio virtualis: Sed illa intrinsecè & entitativè naturalis est, & supernaturalis solum extrinsece & præsuppositivè, cum illa nihil aliud sit, quam vis naturalis intellectus creati, ut deducens per discursum naturalem intellectus, aliquas conclusiones ex principiis revelatis, & fide divina creditis: Ergo ratio formalis sub qua Theologia, intrinsecè & entitativè naturalis est.

Conformatur: in articulis fidei, qui sunt principia nostræ Theologiae, duplex ordo distingueendus est; alter ad primam veritatem revelantem, alter ad conclusiones ex illis per discursum naturalem deducibiles, ut notabili tertio declaravimus. Primus ordo est supernaturalis, & specificat habitum fidei; alter naturalis, & specificat habitum Theologiae, illamque distinguunt à fide, quæ non est discursiva, sed immediate afferunt principiis revelatis; undelicet fides sit intrinsecè & entitativè supernaturalis, non tamen Theologia, sed illa medium tenet locum inter fidem & scientias pure naturales; non enim est perfectè & entitativè supernaturalis, sicut fides; neq; totaliter & omni ex parte naturalis, sicut Physica vel Metaphysica, sed naturalis simpliciter & entitativè & supernaturalis secundum quid, seu radicaliter & objective, ut magis ex solutione argumentorum patebit.

## III.

## Solutio objectionum.

**68** Objiciunt in primis Adversarii autoritatem D. Thomæ, qui h̄c art. 1. appellat Theogiam, scientiam revelatam, & divinitus inspiratam. Et art. 3. ad 2. afferit illam esse veluti

A quandam impressionem divinae scientie, quæ est entitativè supernaturalis.

Sed facile respondetur, S. Doctorem solū velle quod Theogia sit virtualiter seu radiciter revelata & inspirata, id est dependens à fide, quæ divinitus nobis revelatur & inspiratur. Similiter cùm afferit illam esse veluti quandam impressionem divinae scientie, loquitur de impressione seu participatione virtuali, non vero de formalis: cùm enim Theogia continetur in fide tanquam in semine, & veluti in habitu primorum principiorum, & in principiis fidei suas resolvat conclusiones, recte dici potest impressio seu participatio virtualis divinae scientie, quantum ad certitudinem, cujus fides est formalis expressio seu participatio.

Objiciunt secundò: illa scientia est supernaturalis quantum ad speciem, subindeque quantum ad entitatem, cuius specificatum formale est supernatural: Sed specificatum formale Theogia est supernatural: Ergo & ipsa Theogia. Major patet, Minor probatur. Specificatum formale in scientiis, sunt ipsa principia, prout sub sunt talis vel tali abstractioni, & prout illuminant conclusiones, quæ ex illis per discursum naturalem intellectus deducuntur: Sed principia Theogiae sunt supernaturalia, sunt enim ipsi articuli fidei, ex quibus per discursum conclusiones Theologicae deducuntur: Ergo specificatum formale Theogiae, supernatural est.

Respondeo concessa Majori, negando Minorem; ad cuius probationem, concedo etiam Majorem, & distinguo Minorem. Principia Theogiae sunt supernaturalia formaliter & reduplicative, nego: materialiter & specificativè, concedo. Solutio patet ex supra dictis: nam, ut supra ostendimus, articuli fidei, qui sunt principia Theogiae, non ingrediuntur demonstrationem Theogiam, nisi prout substantia luminis & discursus naturalis intellectus humani, quo mediante illuminant conclusiones Theologicas, quæ in ipsis virtualiter continentur: unde quæ talia, non sunt supernaturalia, formaliter & reduplicative, sed materialiter tantum & præsuppositive; subindeque ipse habitus Theogiae, qui ab ipsis specificatur, radicaliter solum & objective supernaturalis est, non vero formaliter & entitativè.

Dices, lumen & discrusus intellectus humani 70 se habet solum per modum conditionis applicantis principia revelata ad conclusiones Theologicas: Ergo licet ille sit naturalis, non sequitur habitus Theogiae esse entitativè naturalis. Consequentia patet, nam specificatio & quidditas rei sumunt ab ejus causa formalis, non vero à conditione pura applicante. Antecedens vero probatur: eodem modo se habet discrusus naturalis intellectus ad Theogiam, sicut præmissa naturalis in demonstratione Theologica: Sed præmissa naturalis est tantum conditio applicans, ut supra diximus. Ergo & discrusus naturalis intellectus.

Respondeo negando Antecedens, ad cuius probationem, nego etiam Majorem, & paritatem; præmissa enim naturalis in demonstracione Theologica, requiritur solum per accidens, & propter defectum intellectus nostri, nec est necessaria in Angelis, aut in Beatis, ut supra explicatum est: discrusus vero naturalis, sive formalis, sive virtualis, pertinet ad essentialis constitutivum cuiuscumque scientiae, sive Theologiæ,

glie, sive scientia purè naturalis, cùm sit illud per quod scientiae naturales, essentialiter diffrerunt ab habitu primorum principiorū, & Theologia à fide, quod diligenter notandum est.

Objiciunt tertio: illa scientia est entitativè supernaturalis, cuius certitudo est supernaturalis: Sed certitudo Thologiae est supernaturalis: Ergo Thologia est habitus supernaturalis entitativè. Minor patet, certitudo nīm quæ est major omni certitudine naturali (ut suprà diximus de certitudine Theologiae) non potest esse naturalis. Major vero suadetur: illa scientia est entitativè supernaturalis, cuius differentia essentialis est supernaturalis: Sed illa scientia cuius certitudo est supernaturalis, habet differentiam essentialē supernaturalem, cùm habitus scientiae per certitudinem essentialiter differat ab habitu opinonis: Ergo illa scientia est entitativè supernaturalis, cuius certitudo est supernaturalis.

Ad hoc argumentum, quod est palmarium apud Adversarios, distinguo Majorem: cuius certitudo est supernaturalis, formaliter & immediate, concedo Majorem: radicaliter, originative, & solūm illativè, nego Majorem; & eadem distinctione applicata Minori, nego consequentiam. Sicur ergo Thologia non causatur immediate à principio supernaturali, sed mediante tantum, mediante scilicet discursu naturali intellectus humani, ex quo habet quod sit radicaliter & originative supernaturalis, non verò formaliter & entitativè: ita non habet certitudinem formaliter & immediate supernaturalis, sed tantum radicaliter & originative, in quantum mediante discursu naturali, conclusiones Theologicae resolvuntur in principia supernaturalia; sicut mediante eodem discursu ex illis principiis deducuntur; quod tamen sufficit, ut certitudo Thologiae sit major omni certitudine naturali, quamvis non sit tanta, quanta est certitudo formaliter supernaturalis, qualis reperitur in fide.

Objiciunt quartò: practicum & speculativum, cùm illi differentia divisivæ scientiarum naturalium, non possint adunari, seu eminenter contineri, in scientia naturali, ut diximus art. 4. Sed adunantur in Thologia, cùm illa sit eminenter formaliter speculativa, & practica, ut ibidem ostendimus: Ergo Thologia non est scientia naturalis entitativè.

Confirmatur: Thologia debet esse ejusdem ordinis cum fide, cùm ei subordinetur tanquam habitui primorum principiorum; & cum scientia Dei & Beatorum, cùm subalternetur illi, ut art. 2. ostendimus: Sed fides, & scientia Dei, ac Beatorum, sunt habitus entitativè supernaturalis: Ergo & Thologia.

Ad objectionem respondere distinguendo Majorem: practicum & speculativum non possunt E adunari, seu eminenter contineri, in scientia naturali entitativè, si non sit supernaturalis radicaliter & objective, concedo Majorem. Si radicaliter & objective supernaturalis sit, nego Majorem. Unde ad hoc ut Thologia sit eminenter speculativa & practica, fatis est, quod radicaliter & objective supernaturalis sit, id est quod dependeat à fide, qua est eminenter formaliter speculativa & practica, & respiciat tanquam proprium objectum, Deum sub ratione Deitatis, qui cùm sit prima veritas, & ultimus finis, est prima regula speculationis & praxis.

Ad confirmationem nego Majorem: licet Tom. I.

A enim Theologia contineatur in fide, tanquam in semine, & sicut scientia continetur in habitu principiorum, quia tamen non acquiritur, nisi mediante discursu, qui est causa proxima & immediata illius, & aliunde effectus magis sapit naturam causa proximæ, & immediatae, quam remora & radicalis, ut suprà variis exemplis declaravimus; illa non est entitativè supernaturalis, sicut fides, sed potius naturalis quoad entitatem, sicut discursus. Similiter, licet Theologia scientia Dei, & Beatorum subalternetur, non tamen propterea est supernaturalis, quoad entitatem; cùm enim scientia subalternata sit inferior subalternanti, & ab illa dependeat, non requiritur quod sit ejusdem ordinis cum illa, sed potest esse ordinis inferioris.

Dices, scientia subalternata dicit habitudinem ad subalternantem: Sed si Theologia sit naturalis entitativè, non poterit dicere habitudinem ad scientiam Dei & Beatorum: Ergo nec illi subalternari. Major patet, Minor probatur. Illa que sunt ordinis naturalis & inferioris, non possunt dicere habitudinem ad ea quæ sunt ordinis supernaturalis & superioris. Ergo si Theologia sit naturalis entitativè, non poterit dicere habitudinem ad scientiam Dei & Beatorum.

Respondeo concessa Majori, negando Minorrem, ad cuius probationem dicendum, quod illa quæ sunt ordinis naturalis & inferioris, non possunt dicere habitudinem ad ea quæ sunt ordinis supernaturalis, & superioris, si ab aliquo habitu, vel forma talis ordinis non dependant, nec resultent: secus verò si ab illa dependant, aut resultent. Exemplum habemus in illo qui postquam diu se in actibus charitatis exercuit, incidit in peccatum mortale, per quod amittit habitum charitatis: in ea enim remanet dispositio quadam imperfecta ad elicendos actus charitatis, similes illis quos exercebat, dum erat in gratia; qua dispositio, licet sit naturalis, dicit tamen ordinem ad præcedentes actus charitatis, ex quibus remansit & resultavit. Ita similiter, licet Theologia sit habitus ordinis naturalis, quantum ad substantiam & entitatem; quia tamen dependet à fide, & à scientia beata, in certitudine, vel evidentiâ suorum principiorum, dicit habitudinem ad illas, quamvis ad ordinem supernaturalis pertineant.

## ARTICVLVS VII.

An Theologia sit sapientia?

N Otandum primò: sapientiam aliam esse infusam, quæ est donum Spiritus sancti, & quæ importat quandam rectitudinem judicii circa divina conscienda & consulenda, secundum quandam connaturalitatem ad res divinas procedentem ex charitate quæ nos unit Deo. Aliam acquisitam, quæ est una ex quinque virtutibus intellectualibus enumeratis ab Aristotele 6. Ethic. c. 4. quæ habet judicare de rebus per altissimam cauam, ut docet D. Thomas 1.2. quæst. 66. art. 5.

Notandum secundò ex eodem S. Doctore ibidem quæst. 57. art. 2. ad 1. quod sapientia acquisita, de qua solūm hic agimus, est quædam scientia, in quantum habet id quod est commune omnibus scientiis, ut scilicet ex propriis conclusiones demonstrat: sed quia habet ali-

C 3 quid